



Broj: 05-50-1-1817-1/23
Sarajevo, 26. 7. 2023. godine

PARLAMENTARNA SKUPŠTINA BiH

- Zastupnički dom -

28-07-2023

Trg Bosne i Hercegovine 1
SARAJEVO

01-50-1-1305/23

PREDMET: Odgovor na zastupničko pitanje – *dostavlja se*

Veza: Vaš akt broj 01-50-1-1305/23 od 12. 6. 2023. godine

Poštovani,

Vijeće ministara Bosne i Hercegovine, na 19. sjednici održanoj 25. 7. 2023. godine, na prijedlog Uprave za neizravno oporezivanje BiH utvrdilo je Odgovor na zastupničko pitanje koje je postavio Saša Magazinović, zastupnik u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupniku.

S poštovanjem,

Privitak: - Kao u dopisu -



DOSTAVITI:

- naslovu
- a/a



Bosnia and Herzegovina
COUNCIL OF MINISTERS

Broj: 05-50-1-1817/23

Sarajevo: 25.7.2023. godine

Magazinović Saša, poslanik u Predstavničkom domu Parlamentarne skupštine Bosne i Hercegovine, postavio je 09.06.2023. godine sljedeće poslaničko pitanje, u pisanoj formi:
(datum postavljanja pitanja)

- "1. Koliko disciplinskih prijava je podneseno u posljednje četiri godine u vašoj instituciji?
2. Za koliko disciplinskih prijava je utvrđena disciplinska odgovornost, u kojim slučajevima i koje disciplinske mjere i kazne su izrečene? (Nije potrebno navoditi imena osoba niti njihove lične podatke.)"

(citirati postavljeno pitanje)

Na postavljeno pitanje, Vijeće ministara Bosne i Hercegovine je na 19. sjednici
(broj)
održanoj 25.7.2023. godine, utvrdilo sljedeći
(datum sjednice)

ODGOVOR

Dana 16.06.2023. godine, zaprimili smo poslaničko pitanje Magazinović Saše, a u vezi disciplinskih prijava podnesenih u posljednje četiri godine u instituciji, i za koliko disciplinskih prijava je utvrđena disciplinska odgovornost, u kojim slučajevima i koje disciplinske mjere i kazne su izrečene.

S tim u vezi vas obavještavamo da je u Uprava za indirektno oporezivanje podneseno sljedeći broj disciplinskih prijava:

2019. godine podneseno je 32 disciplinske prijave za težu povredu službene dužnosti i provedeno je 9 postupaka za lakšu povredu službene dužnosti.

2020. godine podneseno su 42 disciplinske prijave za težu povredu službene dužnosti i provedeno su 3 postupka za lakšu povredu službene dužnosti,

2021. godine podneseno je 27 disciplinskih prijava za težu povredu službene dužnosti i provedena su 2 postupka za lakšu povredu službene dužnosti,

2022. godine podneseno je 40 disciplinskih prijava za težu povredu službene dužnosti i provedena su 3 postupka za lakšu povredu službene dužnosti.

Iz prednje proizilazi da je u navedenom periodu podnesena 141 disciplinska prijava zbog osnovane sumnje za izvršenu težu povredu službene dužnosti, i okončano je 17 postupaka pokrenutih zbog lakše povrede službene dužnosti.

Takođe, obavještavamo vas da je do sačinjavanja ovog akta:

od 32 podnesene disciplinske prijave u 2019. godine, okončano je 29 disciplinskih postupaka, te je disciplinska odgovornost utvrđena u 19 slučajeva (i to: disciplinska mjera novčana kazna u 7 postupaka, prestanak radnog odnosa u 10 postupaka i degradacija zaposlenog u 2 postupka), a da je disciplinske odgovornosti oslobođeno 10 službenika. U istoj godini, za lakšu povredu službene dužnosti utvrđena je disciplinska odgovornost u 7 postupaka, dok su u 2 postupka službenici oslobođeni disciplinske odgovornosti.

Od 42 podnesene disciplinske prijave u 2020. godini, okončana su 24 disciplinska postupka, te je disciplinska odgovornost utvrđena u 12 slučajeva (i to: disciplinska mjera novčana kazna u 6 postupaka, prestanak radnog odnosa u 3 postupka i degradacija zaposlenog u 3 postupka), dok je u 2 slučaja obustavljen postupak, te je 10 službenika oslobođeno disciplinske odgovornosti.

U istoj godini, za lakšu povredu službene dužnosti utvrđena je disciplinska odgovornost u 3 postupaka.

Od 27 podnesene disciplinske prijave u 2021. godini, okončano je 9 disciplinskih postupaka, te je disciplinska odgovornost utvrđena u 7 slučajeva (i to: disciplinska mjera novčana kazna u 6 postupaka i prestanak radnog odnosa u 1 postupku), dok je u 2 slučaja obustavljen postupak i je 1 službenik oslobođen disciplinske odgovornosti.

U istoj godini, za lakšu povredu službene dužnosti utvrđena je disciplinska odgovornost u 2 postupaka.

Od 40 podnesenih disciplinskih prijava u 2022. godini, okončano su 4 disciplinska postupka, te je disciplinska odgovornost utvrđena u 2 slučaja (i to: disciplinska mjera novčana kazna u 1 slučaju i degradacija zaposlenog u 1 slučaju), te su dva službenika oslobođena disciplinske odgovornosti.

U istoj godini, za lakšu povredu službene dužnosti utvrđena je disciplinska odgovornost u 3 postupaka.

Važećim Pravilnikom o disciplinskoj i materijalnoj odgovornosti zaposlenih u Upravi za indirektno oporezivanje („Službeni glasnik BiH“ broj: 6/20), propisano je da u slučaju osnovane sumnje za izvršenu težu povredu službene dužnosti, direktor Uprave za indirektno oporezivanje pokreće disciplinski postupak u roku od dvije godine od dana saznanja za učinjenu disciplinsku povredu (od dana zaprimanja disciplinske prijave), te da Prvostepena disciplinska komisija je dužna da okonča postupak u roku od šest mjeseci od pokretanja postupka, dok je Drugostepena disciplinska komisija dužna donijeti konačnu odluku u roku od šest mjeseci po zaprimanju žalbe. Takođe, napominjemo, zbog prethodnog pitanja, koje se odnosi na okončanja krivičnih postupaka pred Tužilaštvom BiH i Sudom BiH, postoje predmeti koji su u fazi prekida postupka, te se tek po pravosnažnosti sudske odluke mogu dalje nastaviti.

Disciplinski postupci zbog teže povrede službene dužnosti se najčešće pokreću zbog osnovane sumnje za izvršenje krivičnih djela prilikom obavljanja službenih dužnosti, zloupotreba ili prekoračenje službenih dužnosti te neizvršenje ili nesavjesno, neblagovremeno i nemarno izvršenje povjerenih poslova, dok se disciplinski postupci za lakšu povredu službene dužnosti pokreću najčešće zbog neopravdanog izostanka s posla ili povremenog napuštanja radnog mjesta u toku radnog vremena.

(navesti tekst prijedloga odgovora)